

եւ մանաւանդ, դաշնակից պետութիւնների հետ ունենալիք շիման կէտերը, որպէսզի այս հողի վրայ թիւրթմացութիւններ չստեղծուին, մրցակցութիւն առաջ չբերուի այնպիսի վայրերում, ուր, թւում է թէ, բոլոր իրաւունքներն ու առաւելութիւնները պէտք է պատկանին մեզ եւ միայն մեզ: Իսկ որ այդ թիւրթմացութիւնները պիտի առաջանան, հաղիւ թէ կասկած չինի, որովհետեւ մեր եւ եւրոպական պետութիւնների շահերը թիւրթմայի նկատմամբ, ինչպէս եւ, առհասարակ, Արեւելքի բոլոր պետութիւնների, խիստ տարբերուել են անցեալում եւ, անկասկած, նոյնպէս խիստ պիտի տարբերուին եւ ապագային» (179-80):

1917 թ. Յունի. 18-ին Յար Նիկոլայը մակագրում է Հռոմի դեսպան Գիրսի 16-29 Յուն. հեռագրի վրայ՝ իտալական պահանջների մասին.

«Մեր պահանջները Պոլսի եւ շրջանի ու Նեղուցների մասին պարզ էին, իսկ Իտալիայի յաւակնութիւնները Փոքր-Ասիայում մեծ են եւ անորոշ»:

Նոյն Յունուար 17-30-ին, Լոնտոնի դեսպան Նարոկովը հեռագրում է արտաքին գործոց նախարարին.

«Լորտ Հարտինգը՝ մի գաղտնի խօսակցութեան մէջ ինձ հետ շօշափեց փոքր-ասիական գործերին նուիրուած երէկուայ նիստի վիճարտութիւնները: Ես ասացի նրան, թէ, իմ կարծիքով, Անգլիան, իրրեւ մեծագոյն մասմեղական պետութիւնը, Ռուսաստանի հետ հաւասարաչափ, եթէ ոչ աւելի, շահադրոշուած է, որ պահպանուի կենսունակ մի թիւրթմա: Բացի այդ, անգլիական խիստ խոշոր շահերն Իզմիրում, ուր կայ անգլիական ընդարձակ մի գաղութ, թւում է թէ, ստիպում են ամէն կերպ ձգտել պահելու այդ նաւահանգիստը թիւրթմայի ձեռքին» (287):

Յատկանշական է եւ մի ուրիշ պարագայ.—

Թիւրքական աւարի բաժանման շուրջ կատարուած բանակցութիւնների ընթացքին աւելի եւ աւելի շեշտում է անգլիական եւ ռուսական շահերի նոյնութիւնը: Լոնտոնի ռուսական դեսպանը մէկից աւելի անգամներ հրաւիրում է անգլիական պետական մարդկանց ու-

չադրութիւնը այն բանի վրայ, որ Անգլիան եւ Ռուսաստանը միեւնոյն շահերն ունին Արեւելքում եւ պէտք է գործեն համերաչխ: Անգլիացիք էլ պատասխանում են միեւնոյն տրամադրութեամբ, եւ անգլիւսուսական համաձայնութեան հետեւանքով էր, որ Իզմիրը հանուց իտալական տիրապետութեան սահմաններից:

«Իզմիրը թիւրթմային թողնելը՝ կենսունակ սուլթանութեան շահերի տեսակէտից՝ անլիճելի է, — հեռագրում է 1917 թ. 11-24 Փետր., Լոնտոնի դեսպան Նարոկովը, — երբ ես շատ խիստ դազանի մի գրոյցում Հարտինգի հետ քննում էի այդ հարցը մեր առաջին նիստից յետոյ, նա ասաց. «Ինձ թւում է, որ Իզմիրի հարցում դուք մի նշանախեց անգամ չպէտք է նահանջէք»: Հարտինգի տեսակէտը Անգլիայի եւ Ռուսաստանի ապագայ անելիքների մասին Արեւելքում՝ արդիւնք է ընդարձակ փորձի եւ խորունկ համոզման այն բանում, որ մենք պէտք է ընթանանք ձեռք ձեռքի» (301-2):

* * *

Այս բոլոր դէպքերը դեռ իրենց այժմէական սրութիւնը չեն կորցրել եւ, ի հարկէ, դժուար են ենթարկուած առարկայական դնահատութեան, բայց որոշ եզրակացութիւններ արդէն կարելի է նշմարել:

Այսպէս, այժմ, առանց սխալի, կարելի է հաստատել, որ բոլշևիկ-բեմալական համագործակցութիւնը իր արմատները ունի ոչ թէ Լենինեան քաղաքական գաղափարախօսութեան կամ գործելակերպի մէջ, այլ ռուս-թիւրքական նորագոյն փոխյարարերութիւնների: Լենինը առաւ եւ կեանքում կիրառեց այն միտքը, որը նախապատրաստուած էր ցարական Ռուսաստանի վարիչների կողմից: Այդ միտքը, ի հարկէ, կը լինի գործնական քաղաքականութեան ստարկան ե՛ւ ապագայ Ռուսաստանի համար, ինչ գոյն ու կազմ եւ ունենայ նա:

Երկրորդ՝ ռուս-անգլիական շահակցութեան հարցը:

Հին Ռուսաստանում եւ Անգլիայում քիչ չէին մարդիկ, որոնք հասկանում էին արեւելեան երկու մեծ կայսրութեանց շահերի մօտիկութիւնը Արեւելքում, յատկապէս, մահմեդական աշխարհի հանդէպ: Այսօր, երբ Արե-